



Te putakenga o nga koreo mo Ngake raua ko Whaataitai (kei roto i te kuratini).

Naa ko Ngake teenei e tuku nei i toona kaha ka anga atu ki nga pari toka tuu ki te rangi koia teeraa ka oreore, ka piiioioi, ka tawiri whitiki te hiku patua ai te wai kaa rere ia i te au o te moana, rere tika ki te pari i Te Whetukairangi. koia teeraa kua tuki atu ki te pari, ngakungaku atu ka marara ki uta ki tai kua puare atu te huarahi ki te moana o Raukawa, na ko Ngake teeraa kua waatea ki ana haere, ngaro atu.

Kua hoki raa ki Whaataitai uu ra i te one kua mokemoke. Kaa roa nei toona noho whakarongo ki te haruru o te moana me te tangi o nga manu, kainga e te hau e te raa. Noho nei aa, ka haere mai te ruu whenua, kua whenuku te whenua, kua hikina tairanga ki runga, kua kore a Whaataitai e paria e te tai, kua maroke, kua mahore, kua pupuhi te tinana kua heke te haaware i te waha kua kaapoo nga mata, kaa heke, ka mate a Whaataitai.

Na toona matenga ka rere a manu te

wairua ki te tihi o te maunga Matairangi ki reira tuku roimata ki aa Ngake me toona keokeo tangi mai, aa, e karangatia ai teenei tihi ko Tangi-te-keo.

Noo te poo o te raahoroi kaa tuu te Ngahautanga, i haere ai ngaa kanikani ki te roopuu whakatangitangi aa Monty Kora, araa te "ECLIPSE" tae atu hoki ki te inu waikaha paarekareka i puta ai te koa, me te kori o te tinana aa te nui taangata i taemai ki teenei poo tino aataahua, aa, i heke ai hoki te werewera o ngaa keekee me ngaa kuuwhaa harikoa.

I te ata o te raatapu kaa taemai te Kaawana Tianara, a Taa Paora Reeves mo te karakia. Naa raaua ko Teariki Mei i kawea te ahuatanga o ngaa karakia. Kaore te Kaawana Tianara i waatea ki te noho mai mo te Haakari muri mai o ngaa karakia, noo te mea e haere kee ana ia ki Taamaki Makaurau

(Auck) ki te taupua atu i te Kuini o Tenemaaka.

Noo muri mai o te Haakari kaa toua he raakau ki Te Kuratini, hei whakamaharatanga mo te tuunga o te Hui Tuangahurutanga. Ko te iingoa o te raakau nei e whakahuatia ana he Orihou, he Mangeo, he Parapara me eetei atu iingoa ano o teenaa iwi, o teenaa rohe.

I mua o te mutunga o te Hui kaa puta he kaupapa koorero hei hora atu ki te Kaunihera o Te Kuratini, aa, ki ngaa Tumuaaki tonu. He peenei ngaa koorero:-

1. Kia whaktuuria motuhake he Kura ako reo Maori i te Wellington Polytechnic.
2. Kia whakatauria he marae tuuturu, he whare whakairo mo Te Kuratini.
3. Kia whakaritea he puutea moni motuhake, hei awhina i nga mahi aa ngaa kaihautuu o Te Kuratini Marae.